

Պայմանագիր կնքելու փուլում մի շարք չափաբաժինների մասով առանց սահմանված կարգով բանակցություններ վարելու գները նվազեցվել են:

կատարելու համար նախատեսված ֆինանսական միջոցները, սակայն գների նվազեցման համար որևէ բանակցություն չի կազմակերպվել՝ այդպիսով չպահպանելով նաև ՀՀ կառավարության 2011թ. փետրվարի 10-ի թիվ 168-Ն որոշման 44-րդ կետի պահանջները: Արդեն պայմանագրերի կնքման փուլում, շրջանցելով ՀՀ գնումների ոլորտը կանոնակարգող համապատասխան օրենսդրության պահանջները, մի շարք չափաբաժինների մասով գները չհիմնավորված նվազեցվել են, և կազմակերպությունների հետ կնքվել են 170.6 հազ. դրամ և 779.4 հազ. դրամ արժողությամբ պայմանագրեր: Նույն ընթացակարգի շրջանակներում հրապարակված կնքված պայմանագրերի մասին հայտարարության տեքստում չափաբաժինների համար ներկայացված գները չեն համապատասխանել պայմանագրում առկա գներին:

2017թ. նախարարության կողմից «Ներկայացուցչական ծախսեր» հոդվածով բոլոր ապրանքների և ծառայությունների ձեռքբերումը իրականացվել է Բաց ընթացակարգ առանց հայտարարության և Մեկ անձից գնում ընթացակարգերի կիրառմամբ, այն պարագայում, երբ մինչև մայիսի 4-ը գործող ՀՀ կառավարության 2011թ. փետրվարի 10-ի թիվ 168-Ն որոշման 25-րդ կետի 5-րդ ենթակետի, իսկ մայիսի 4-ից հետո՝ 2017թ. մայիսի 15-ի թիվ 526-Ն որոշման 23-րդ կետի 4-րդ ենթակետով, սահմանվում է, որ ծախսերը կարող են

Չպահպանելով ՀՀ գնումների ոլորտը կարգավորող օրենսդրական պահանջները 2017թ. առանց մրցակցային ընթացակարգի կազմակերպման իրականացվել է 1,915.9 հազ. դրամի ապրանքների և ծառայությունների ձեռքբերում:

կատարվել ԲԸԱՀ և մեկ անձից գնում ընթացակարգերի կիրառմամբ մի շարք դեպքերում, որոնցից ներկայացուցչական ծախսեր հոդվածին են առնչվում միայն պատվիրակությունների ընդունման, արտասահմանյան այցելությունների կազմակերպման նպատակով ապրանքներ, աշխատանքներ և ծառայություններ ձեռքբերելու ժամանակ կատարված ծախսերը: Արդյունքում, նախարարության կողմից, վերոնշյալ օրենսդրական պահանջները չպահպանելով, 2017թ. ընթացքում առանց մրցութային ընթացակարգերի կիրառման իրականացվել է ընդհանուր 1,026.3 հազ. դրամ արժողությամբ խմելու ջրի, սուրճի, շաքարավազի, կոնֆետների և մրգի գնում: 2017թ. Նոր տարվա տոների առիթով առանց մրցութային ընթացակարգի կիրառման ձեռք է բերվել 695.6 հազ. դրամ արժողությամբ պաշտոնական ճաշի կազմակերպման ծառայություն, իսկ մարտի 8-ի տոնի առթիվ կրկին մեկ անձից գնման միջոցով

իրականացվել է 194.0 հազ. դրամ արժողությամբ սուրճի ընդմիջման ծառայության ձեռքբերում: Միաժամանակ, վերոնշյալ գնման գործընթացների իրականացման ժամանակ չի պահպանվել նաև ՀՀ կառավարության 04.05.2017թ. թիվ 526-Ն որոշման 72-րդ կետի պահանջները, համաձայն որի գնման պայմանագրեր չի կնքվում միայն այն ժամանակ, եթե ձեռքբերվող ապրանքի կամ ծառայության գնման գինը չի գերազանցում գնումների բազային միավորի կեսը և այն ենթակա է կատարման կնքման պահին:

Տեղեկատվական հանգույցների, ծրագրային շահագործման և ապահովման գծով կատարվել է 10,888.0 հազ. դրամի անարդյունավետ ծախս:

ՀՀ տնտեսական զարգացման և ներդրումների նախարարության շենքում «Տեղեկատվական հանգույցների, ծրագրային շահագործման և ապահովման, այդ թվում՝ տեղադրված 13 սերվերների և առավելագույնը 210

աշխատանքային համակարգիչների համար ծրագրային սպասարկման աշխատանքներ» ծառայությունը 2018թ. իրականացվել է արտաքին ծառայությունների գնման (աուքսորսի) միջոցով, որի համար որպես նախահաշվային գին սահմանվել է 20,538.0 հազ. դրամ, այն պարագայում, երբ 2017թ. նույն գործառույթն իրականացվել է նախարարության 4 աշխատակիցների կողմից, որոնց աշխատավարձի և պարգևատրումների ընդհանուր ֆոնդը կազմել է 13,101.1 հազ. դրամ: Ավելին, չնայած վերոնշյալին, 2018թ. նախարարությունում որպես համակարգչային մասնագետ շարունակել են աշխատել ևս 2 աշխատակից, նրանցից մեկը՝ մտավոր սեփականության գործակալությունում, իսկ մյուսը՝ նախարարության աշխատակազմում, որոնց աշխատավարձի և պարգևատրումների ֆոնդը 2018թ. կազմել է 3,455.1 հազ. դրամ: Արդյունքում, 2017թ. նույն աշխատանքները իրականացնելու համար վճարվել է 13,101.1 հազ. դրամ, իսկ 2018թ.՝ 23,989.1 հազ. դրամ, ինչը հիմք է տալիս եզրակացնելու, որ կատարվել է 10,888.0 հազ. դրամի անարդյունավետ ծախս:

2018թ. ավտոմեքենաների անիվների (անիվներ մարդատար ավտոմեքենաների համար՝ 195/65 R15, ձմեռային, Հունդայի Սոնատա մարդատար ավտոմեքենաների համար, «Մարշալ», «Բրիջստոն», «Պիրելի» ապրանքանիշի կամ համարժեքը, գործող ստանդարտը՝ ՀՍ-183-99) ձեռքբերման նպատակով հայտարարված գնանշման հարցման ընթացակարգի համար անիվների նախահաշվային գինը սահմանվել է 4 հատի համար 180.0 հազ. դրամ: Նախահաշվային գինը որևէ կերպ չի հիմնավորվել, հատկապես, որ նախորդ տարի նույն տեխնիկական բնութագրով անիվների ձեռքբերման պայմանագրային գինը 4 հատի համար կազմել է ընդամենը 108.0 հազ. դրամ: Իսկ մրցույթի արդյունքում հաղթող ճանաչված կազմակերպությունը՝ 4 հատ անիվը մատակարարել է ընդամենը 66.0 հազ. դրամով: Ավելին, նախարարության կարիքների համար նույն տարվա դեկտեմբեր ամսին, առանց մրցույթ կազմակերպելու, ձեռք է բերվել 4 հատ անիվ (անվադող 215/60 R16) 180.0 հազ. դրամ ընդհանուր արժեքով, այն պարագայում, երբ դրա պայմանագրային գինը 108.0 հազ. դրամ էր: Մեկ

անձից ձեռքբերումը հիմնավորվել է ՀՀ կառավարության 04.05.2017թ. թիվ 526-Ն որոշման 23-րդ կետի 1-ին ենթակետով, համաձայն որի, եթե գնման գինը չի գերազանցում գնումների բազային միավորը, ապա գնումը կարող է կատարվել մեկ անձից, սակայն ՀՀ կառավարության 13.04.2017թ. թիվ 390-Ն որոշման 2-րդ կետի 2-րդ ենթակետի համաձայն գնման գինն անվանացանկի 2-րդ մակարդակում նշված ապրանքների, աշխատանքների և ծառայությունների խմբերի հանրագումարն է, որը նախարարության գնումների պլանի համաձայն գերազանցում է գնումների բազային միավորը, ուստի գնում պետք է կատարվեր գնանշման հարցման ընթացակարգի կիրառման միջոցով:

Նույն պատկերն է արձանագրվել նաև Շուկայի վերահսկողության տեսչական մարմնի կարիքների համար իրականացված ֆոտոխցիկների ձեռքբերման մրցույթում: Գնանշման հարցման միջոցով ձեռք է բերվել 2 հատ տեսախցիկ, որոնցից յուրաքանչյուրի համար վճարվել է 93.6 հազ. դրամ, սակայն նույեմբեր ամսին առանց մրցութային ընթացակարգի՝ մեկ անձից գնման միջոցով, կատարվել է «Ֆոտոխցիկ Canon EOS 110D 15-55» գնում, որը սակայն ձեռք է բերվել 159.5 հազ. դրամ արժեքով:

2018 թվականին նախարարության պաշտոնական կայքի մշակման համար հայտարարված Գնանշման հարցման միջոցով մրցույթի արդյունքում 25.07.2018թ. կնքվել է 3,900.0 հազ. դրամի պայմանագիր, ըստ որի կայքը պետք է հանձնվեր շահագործման ոչ ուշ քան 2018թ. դեկտեմբերի 15-ը: Սակայն, դեկտեմբերի 15-ին կայքը շահագործման չի հանձնվել, կողմերի միջև կնքվել է երկկողմանի համաձայնագիր՝ պայմանագրի ժամկետը մեկ ամսով երկարաձգելու, իսկ պայմանագրի ամբողջ գումարը՝ 3,900.0 հազ. դրամը փոխանցվել է որպես կանխավճար: Արդյունքում, չի պահպանվել ՀՀ կառավարության 04.05.2017թ. թիվ 526-Ն որոշման 21-րդ կետի 1-ին ենթակետի պահանջը՝ կանխավճարի հատկացման հնարավորությունը և առավելագույն չափը սահմանում է պատասխանատու ստորաբաժանումը, սակայն ընթացակարգի համար Պատասխանատու ստորաբաժանման կողմից ներկայացված գնման հայտով կանխավճար չէր նախատեսվել: Ավելին, ըստ պայմանագրի վճարման ժամանակացույցի նախատեսվել էր վճարումները կատարել օգոստոս և հոկտեմբեր ամիսներին, ինչը ևս չի արվել և չի պահպանվել պայմանագրի վճարման ժամանակացույցով կողմերի միջև ստանձնած պարտավորությունների կատարումը:

Գրասենյակային հաշվողական սարքերի պահպանման և վերանորոգման ծառայությունների համար հայտարարված գնանշման հարցման գնման առարկաները գնումների պլանում արտացոլված չեն եղել, նախահաշվային գինը եղել է ընդհանուր, սակայն մրցույթը հայտարարվել է ըստ առանձին չափաբաժինների, միաժամանակ նախահաշվային գինը եղել է ըստ առավելագույն ֆինանսավորման չափերի, սակայն մրցույթը հայտարարվել է միավորի գնի համար: Արդյունքում ստեղծվել է հետևյալ պատկերը. օրինակ «Ն1» չափաբաժնի նախահաշվային գինը եղել է 260.0 հազ. դրամ, իսկ մասնակցի գնային առաջարկը՝ 2.46 հազ. դրամ: Արդյունքում պատշաճ կերպով

գնահատում չի իրականացվել: Ավելին, պայմանագիրը կնքվել է չափաբաժինների նախահաշվային գներով՝ նշելով, որ ընդհանուր գինը չի գերազանցի սահմանված ֆինանսավորման չափը:

2018թ. նախարարության կողմից ներկայացուցչական ծախսեր հոդվածով բոլոր ապրանքների և ծառայությունների ձեռքբերումը իրականացվել է ՄԱ ընթացակարգերի կիրառմամբ, այն պարագայում, երբ ՀՀ կառավարության 04.05.2017թ. թիվ 526-Ն որոշման 23-րդ կետի 4-րդ ենթակետով, սահմանվում է, որ ծախսերը կարող են կատարվել մեկ անձից գնում ընթացակարգերի կիրառմամբ՝ միայն հատուկ կամ բացառիկ իրավունքի առկայության հիմքով, ընդ որում, ներկայացուցչական ծախսերի համար Մեկ անձից գնման ընթացակարգը կիրառելի է միայն պատվիրակությունների ընդունման, արտասահմանյան այցելությունների կազմակերպման նպատակով ապրանքների, աշխատանքների և ծառայությունների ձեռքբերում կատարելու դեպքում: Արդյունքում, նախարարության կողմից առանց մրցութային ընթացակարգերի կիրառման ձեռք է բերվել՝ վարդեր (30.0 հազ.դրամ), ծաղկեպսակներ (425.0 հազ.դրամ), աղբյուր ջուր (1,286.48 հազ. դրամ), ընդամենը 1,741.5 հազ. դրամի գնումը իրականացվել է Մեկ անձից գնման միջոցով: 2018թ. դեկտեմբերի 28-ին նախարարության աշխատակիցների համար կազմակերպվել է Նոր տարվա տոնի առթիվ միջոցառում, որի համար վճարվել է 626.0 հազ. դրամ, որը նույնպես իրականացվել է առանց մրցակցության՝ մեկ անձից գնման միջոցով: Միաժամանակ,

**Էլեկտրոնային գնումների
համակարգում բացակայել են
հանձնման-ընդունման
արձանագրությունները, իսկ գնման
գործընթացը չի կազմակերպվել
Էլեկտրոնային համակարգի միջոցով:**

վերոնշյալ գնման գործընթացների իրականացման ժամանակ չի պահպանվել նաև ՀՀ կառավարության առ 04.05.2017թ. թիվ 526-Ն որոշման 72-րդ կետի պահանջները, համաձայն որի՝ գնման պայմանագրեր չի կնքվում միայն այն ժամանակ, եթե ձեռքբերվող ապրանքի կամ ծառայության գինը չի գերազանցում գնումների բազային միավորի կեսը և այն

ենթակա է կատարման կնքման պահին:

2017-2018թթ. պայմանագրերի հանձնման-ընդունման գործընթացը չի կազմակերպվել Էլեկտրոնային համակարգի միջոցով, և Էլեկտրոնային գնումների համակարգում բացակայել են պատասխանատու ստորաբաժանման կողմից Էլեկտրոնային ստորագրությամբ հաստատված եզրակացությունները և հանձնման-ընդունման արձանագրությունները, իսկ նախարարությունը չի պահպանել ՀՀ կառավարության 04.05.2017թ. թիվ 526-Ն որոշման 110-րդ կետի պահանջները՝ Էլեկտրոնային եղանակով իրականացվող գնումների դեպքում պայմանագրի կատարման արդյունքի ընդունման հետ կապված սույն բաժնով սահմանված գործողություններն իրականացվում են Էլեկտրոնային գնումների համակարգի միջոցով: